

*Capitula comunitatis Arimini.*

In nomine Domini nostri Iesu Christi ejusque gloriosæ Virginis matris Mariæ et divi Marci evangelistæ ac beatorum Iuliani et Gaudentii, Columbæ et Innocentiæ patronorum Arimini etc. totiusque cœlestis curiæ.

Infrascriptæ sunt supplicationes et preces sive capitula, quæ dominus Galeotus de Gualdis, dominus Gregorius de Berneriis juris consulti, et dominus Iohannes de Sacramoris et dominus Petrus de Tingulis nobiles ariminenses, oratores civitatis Arimini, humiliter petunt a serenissimo et clementissimo Venetiarum duce domino Leonardo Lauredano, et ab ejus inelyto ducali Dominio, pro ipsius civitatis depredatæ ac pene destructæ restauratione, submittentes tamen ea correctioni, limitationi et dispositioni ejus serenissimæ Dominationis.

1.º In primis, quod omnes terræ, castra et loca comitatus, districtus, vicariatus et diœcesis Arimini, et quæ olim possidebantur per illos de Malatestis et inpræsentiarum pervenerunt, seu in posterum pervenient sub ducali Dominio serenitatis vestræ, restituantur et uniantur dictæ civitati Arimini ad merum et mixtum imperium et omnimodam jurisdictionem dictæ civitatis et ejus rectorum et ipsius civitatis legum, statutorum et ordinationum observantiam; unitaque eidem civitati manuteneantur et conserventur, una cum aliis castellis et locis inpræsentiarum subdictis dictæ civitatis.

2.º Item, quod infrascripta datia solvi consueta in civitate Arimini, videlicet datium emendi et vendendi granum quod appellatur domus sextarii, et est aliis locis vestri Domini inconstitutum et dictæ civitati valde odiosum, valoris ducatorum centum vel circa; et datium macinandi granum, quod est in vestra civitate Venetiarum minime consuetum, et est valoris ducatorum tercentum vel circa, ex dono et gratia serenitatis vestræ penitus tollantur et annullentur. Pro datio vero imbotatus grani et aliorum bladorum ac vini, dicta civitas cum ejus villis circumstantibus sit exempta pro eo tempore quod placuerit serenitati vestræ, quo elapso, solvatur tantummodo medietas ejus quod consuetum est, si placet vestræ serenitati.

3.º Item, quod pro vinis qui conducentur in civitate Venetiarum a civibus et incolis dictæ civitatis et ejus comitatus, per se vel per alios, ex proprio eorum reollectu, solvantur datia Venetiis prout solvunt cives terrarum vestrarum Dalmatiæ; pro

aliis vero non existentibus de proprio reollectu, solvatur prout solvi solet pro vinis terraneis serenitatis vestræ. 306

4.º Item, quod ex quibuscumque condemnationibus et pœnis exigendis in dicta civitate, medietas spectet et pertineat comunitati dictæ civitatis Arimini, altera vero medietas cameræ ducali serenitatis vestræ, ut ex eis dicta civitas sumptibus occurrentibus suppetere possit.

5.º Item, quod omnes immunitates, consuetudines, indulta, privilegia concessa seu promissa eidem civitati a serenissimo vestro Dominio, et maxime quod liceat unicuique a portu Arimini ultra mare, et ab inde citra ad ipsum portum Arimini, et similiter ab ipso portu ad quæcumque loca ejusdem ripariæ et ex quibuscumque locis dictæ ripariæ ad dictum portum libere navigare, cum omnibus ejus mercibus et bonis et undecumque venientibus, infra limites qui vocantur *el Promontorio* et *le Badalene* existentes super dictum portum, absque eo quod teneantur ire Venetias, de cætero inviolabiliter observentur et manuteneantur absque omni impedimento vel molestia, juxta formam dictorum privilegiorum et maxime litterarum ducalium serenitatis vestræ emanatarum die 17 junii 1449, ne dicta civitas Arimini videatur in hoc deterioris conditionis sub vestro clementissimo Dominio, quam fuerit tempore dominorum de Malatestis.

6.º Item, quod liceat unicuique, per terram et per mare, ducere in dictam civitatem Arimini quascumque ejus mercationes, tam tempore nundinarum, quæ sint et esse intelligantur liberæ, franchæ et immunes, quam alio quocumque tempore; et eas ibi distrahere; et non distractas, seu alias ibidem emptas, libere extrahere, et habere transitum versus Tusciam et Bononiam et alia quæcumque loca, solutis datii consuetis in dictis locis, absque eo quod teneatur conducere Venetias. Exceptis tamen victualibus, et aliis rebus expresse prohibitis a serenitate vestra.

7.º Item, quod unicuique civi et incolæ dictæ civitatis Arimini, liceat ex provincia Istriæ vel alio quocumque loco magis comodo extrahere et portare, seu portari facere ad dictam civitatem, ac eam quantitatem lignorum ad comburendum quam placuerit serenitati vestræ, pro usu et necessitate dictæ civitatis.

8.º Item, quod omnia officia dictæ civitatis et castrorum, comitatus et vicariatus ac diœcesis eidem civitati ac ejus dominis rectoribus subditorum, dentur et distribuantur tantummodo dictis civibus et